

La lingua rumauntscha



Il rumauntsch es üna **lingua neo-latina** e cotres paraint cul taliaun, spagnöl, portugais, frances etc. Na-schieu scu resultat da la sintesa dal vegl retic e'l latin vulgar dals Romauns, d'eira il retorumauntsch üna vouta deraso dal Danubi superieur fin tal Mer adriatic. Da quello sun restedas ün pêr islas linguisticas isoledas i'l Grischun, i'l Friul ed illas Dolomitas. Tuottüna vulainsa mantgnair nossa lingua; na be, perche ch'ella es preziosa scu ierta culturela e perche ch'ella ans pussibiltescha la vicinanza profitabla cullas otras linguas neolatinas. Eir perche ch'ella ans permetta üna **bilinguited avanzada cun tuot ils avantags** cumpruvos da la scienza, scu per exaimpel

üna pü granda flexibilted intellectuela e creativa u la capacited d'imprender pü svelto otras linguas. Perque fo Samedan grands sforzs per augmanter darcho la preschentscha dal rumauntsch illa vita da mincha di e d'animer la populaziun (eir rumauntscha) d'imprender, druver e promouver quista bella lingua. Nos böt: **Rumauntsch e tudas-ch vegnan almain inclets da mincha Samedrin(a).**

Dapü infurmaziuns spordscha nossa incumbenseda per la bilinguited, Nina Dazzi Andry: [Bilinguited](#)

Dapü infurmaziuns:

El/Ella viva daspö poch temp i'l territori rumauntsch ed ho dumandas davart nossa lingua? Tar «Check-in rumantsch» da la Lia Rumantscha chattan Els ed Ellas las respostas tscherchedas: <https://www.liarumantscha.ch/rm/checkin-rumantsch>